



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 32. Epistola Pontificis ad Cæsarem propter Spirense Decretum.

---

[urn:nbn:de:hbz:466:1-66615](#)

no querelas erumperet, imo non scilicet. XVI.  
 lum ob hoc Decretum in comitiis editum affligebatur, sed vel maxime ideo  
 indignabatur, quod Carolus V. cum  
 Henrico Angliae Rege capitali Ecclesiæ  
 inimico armorum societatem iniisset, ac  
 insuper omnia consilia quantumvis pro-  
 ficia, quæ ipii Farnesius Cardinalis Se-  
 dis Apostolicæ Legatus pro suo Nepote  
 in Mediolanensem Ducem inaugurando  
 proposuerat, penitus rejecisset, nec non  
 unice Protestantibus complacendi stu-  
 dio eidem huic Legato comitiis assisten-  
 di facultatem abnegasset. Præterea  
 summus Pontifex serio perpendebat,  
 quod Spirensis Conventus Decretum  
 non modo ipsius auctoritati, sed etiam  
 Sedis Apostolicæ dignitati ingens dam-  
 num inferre posset.

### §. XXXII.

#### *Epistola Pontificis ad Cæsarem pro- pter Spirense Decretum.*

**H**is rationibus permotus Pontifex, sui *S'cid. l. 16.*  
 honoris rationem exigere censebat, *p. 520.*  
 ut Cæsari suam indignationem manife- *Pallav. c. 6.*  
 stam redderet: eapropter hanc in rem  
 die vigesima quinta Augusti anno post  
 Christum natum millesimo quingentesi-  
 mo quadragesimo quarto prolixam ad-  
 modum epistolam ad Cæsarem dedit,  
 hujus tenoris: *Quænam Decreta nuper  
 fue-*

Sæcul. XVI. fuerint facta, ad nos relatum fuit, quod  
A.C. 1544. vero de illis sentiam, non possum pro meo mu-  
nere, & mea in te charitate dissimulare, &  
ut ita faciam, exemplo moveor Sacerdotis  
Heli, quem Deus gravissime multatavit ob-  
nimiam erga filios indulgentiam: ad eundem  
plane modum, quandoquidem ea Decreta per-  
tinent ad animæ tuæ periculum, & ad ma-  
ximam Ecclesiæ perturbationem, necessario  
te commonefacere teneor: primum igitur hoc  
est, ne ab Ecclesiæ consensu vel consuetudi-  
ne majorum discedas, sed eandem discipli-  
nam, ordinem, instituta sequaris atque ob-  
serves: hic autem ordo est talis, ut, quoties  
de Religione disceptatur, judicium omne re-  
ferri debeat ad Ecclesiam Romanam: tu ve-  
ro nuper, quando de generali & Nationis  
Concilio, & Imperii Conventu statuisti, nul-  
lam habuisti rationem ejus, qui solus Juris  
divino & humano, cogendi Concilia, &  
decernendi de rebus sacris potestatem obtinet,  
neque vero hoc solum in reprehensionem ve-  
nit, sed illud etiam, quod non idiotis mo-  
do, sed & damnatarum hæresum assertori-  
bus permittas, de Religione judicare, quod  
de bonis sacris, eorumque controversiis de-  
cernas, quod eos, qui sunt extra commu-  
nionem Ecclesiæ, & ipsiusmet edidit jam  
olim damnati, pristinis honoribus atque lo-  
co restituantur, non assentientibus iis, qui  
veterem & religiosam obedientiam præstant:  
an hæc cum sacris legibus & institutis con-

vta

veniunt? an non omnem disciplinam & or- Sæcul. XVI.  
 dinem tollunt? existimo autem, non ex tuo A.C. 1544.  
 hæc esse patefacta sinu, sed malevolorum esse  
 consilio factum, qui pro suo in Ecclesiæ  
 Romanam odio te sollicitarunt, ut aliquam  
 abalienati animi significationem dares: quod  
 autem illis acqueveris, & morem gesseris,  
 eo vehementius doleo, quo majori hoc esse  
 cum tui ipsius & Ecclesiæ detrimento con-  
 junctum video, nisi resipiscas: hic etiam me-  
 tus crescit & augetur consideranti, quibus-  
 cum amicitiam inieris: pravis nimirum col-  
 loquias corrumpuntur boni mores: sic etiam  
 magnum est periculum, quando cum pravis  
 & vitiosis hominibus sœdera fiunt: non du-  
 bito tamen, quin honestos illi titulos obdu-  
 cant: nullum enim est prope tam malum con-  
 silium, quod non aliquo specioso titulo com-  
 mendatur: sed revera perscrutanti Scriptu-  
 ram occurrunt multa & illustria exempla,  
 quibus ira Dei docetur in eos, & vindicta,  
 qui summi Sacerdotis munera sibi vendica-  
 runt: ab adversariis in odium atque crimen  
 vocatur Sacerdotum negligentia, & hoc illi  
 utuntur tanquam stimulo, dum ad procura-  
 tionem Religionis principes Viros exhortan-  
 tur: hoc quidem & pulchrum & laude di-  
 gnum videtur sed nulla ratione subsistit, quod  
 privatis in ædibus Paterfamilias unicuique  
 distribuat, quod agat, neque patiatur, si  
 quis alienum opus faciat, ne conturbetur or-  
 do: sic etiam in Ecclesia, quæ est domus  
*Hist. Eccles. Tom. XXXVIII.* O Dei,

Sæcul. XVI. Dei, suum cuique munus est distributum.  
 A.C. 1544. quod obeat, neque decet, ut superiorum officiis fungantur inferiores, idque tanto magis observandum est, quanto Ecclesia major & illustrior est quavis alia domo: cum ergo supremum Ecclesiæ munus commendatum sit a Deo Sacerdotibus, magna est injuria, cum horum partes & honorem alias sibi sumunt notum est, quid acciderit Ozæ, sustinent currum, quo vehebatur arca Dei, jam propensum ad ruinam: nemo quidem est, qui non rede fecisse videatur ille, quod absentibus Levitis, cum ruince periculum impenderet, admota manu currum inclinatum sublevavit, sed tamen illum ulciscente Deo sublatum e vita, documento nobis est, quam non oporteat alienum officium usurpare: caveat igitur, ne persuasus ab illis, qui emendationem Ecclesiæ semper habent in ore, temerarius manus admoveas iis rebus, quæ peculiariter ad Sacerdotes pertinent: similis etiam & atrocior exitus fuit Dathan, Abironis, & Core, cum autoritatem vellent Moysi & Aaroni fratribus derogare: præclarus fuit Rex Ozias, & tamen, quod incensum ad altare vellet adolere, factus est leprosus, arrogationem alieni muneris ulciscente Deo: procuratio Ecclesiarum officium est quidem Deo gratissimum, sed ad Cæsares non pertinet, verum ad Sacerdotes, & imprimit ad illum, cui ligandi potestatem atque solvendi Deus fecit: neque vero ad rem pertinet, quod

di.

dicas, has leges non esse perpetuas, verum Sæcul. XVI.  
 temporarias, & ad Concilium modo dura- A.C. 1544.  
 turas: nam etiam si pius esset, tamen ratio-  
 ne personæ impium fit: Deus est, qui ratio-  
 nem postulabit a malis Sacerdotibus: in illo  
 conquiescendum est, nec aliud præterea ten-  
 tandum: etenim illi, qui principem Ecclesia-  
 rum sedem Romanam adjuvarunt, qui fidem  
 & amorem Ordini Sacerdotum profiterunt,  
 maximis a Deo semper amplificati sunt bene-  
 ficiis atque donis, ut in Constantino Magno,  
 in Theodosio, in Carolo Magno videre li-  
 cet: illi vero, qui contra fecerunt, gravissi-  
 mis pœnis afflicti: neque jam de Nerone, Do-  
 mitiano, & id genus aliis, qui nascentem  
 Ecclesiam conati sunt extinguere, sed de iis  
 loquor, qui confirmatae Petri Cathedræ, cum  
 adultior esset facta, restiterunt: in hoc est  
 numero Anastasius I. Cæsar, deinde Mauri-  
 tius, Constans II. Philippus, Leo, & illi  
 complures, qui rebus atque fortunis omnibus  
 dispoliati, turpiter & ignominiose vitam fi-  
 nierunt: Henricus IV., quod indigne tra-  
 daret eum, quem loco Parentis vereri debui-  
 set, a filio suo ceptus Leodii dignas luit  
 pœnas: Fridericus II. Ecclesiæ Romanæ  
 gravis adversarius, a filio suo trucidatus oc-  
 cubuit: neque tamen semper affliguntur rebel-  
 les, & aliquando in summa rerum copia flo-  
 rent, quod nimis eo fieri Patres dicunt,  
 ne, si omnes hic impii plederentur, nullum  
 aliud superesse tribunal Dei putemus: pecca-

Sæcul. XVI. tum quidem nullum impunitum dimittitur,  
A.C. 1544. sed hæc omnium est gravissima ira Dei, cum  
 qui peccant, impune se id facere arbitrantur:  
 hi enim sunt deplorati, ac vere miseri, qui  
 peccata semper accumulant: ad hunc ven-  
 modum non singuli tantum homines, verum  
 provinciæ etiam multantur, quæ vel Chri-  
 stum a se repudiant, vel ejus parere Vicarium  
 recusant: duo autem sunt populi imprimis,  
 qui sua calamitate nobis id clare demonstrant,  
 Judæi atque Græci, quorum illi Christum  
 Dei Filium occiderunt, hi Vicarium ejus  
 non uno modo sunt aspernati: jam si Deus  
 iram suam in illos declaravit propter ejusmo-  
 di conatus atque scelera, multo sane plus tibi  
 verendum, si quid tale decernas, cuius  
 origo sit ab iis Imperatoribus, qui non plus  
 honoris Ecclesiæ Romanæ detulerunt, quam  
 ab ea receperunt, hæc autem non eo spectant,  
 quod tale quid te cogitare putem, aut quod  
 controversiam non maxime cupiam ipsus com-  
 poni, sed quod de tuo periculo sim sollicitus.  
 Constantino Magno Sacerdotes olim detul-  
 rant cognitionem suarum litiuum, sed ille is-  
 muneris rejecit, neque de iis judicare voluit,  
 qui de cunctis judicandi potestatem habent:  
 hujus nimirum sunt vestigia sequenda: quod  
 res controversas conciliari, quod Ecclesiæ fu-  
 ri cupias emendationem, imprimis est lau-  
 dandum: peto etiam, ut in eo tuam operam  
 mihi præbeas, cui ministerium hoc atque cu-  
 ram Deus commisit: adjutorem te quidem pos-

possum ferre, sed Reddorem atque Caput ad Sæcul. XVI.  
 mittere non valeo: percupidus sum publicoꝝ A.C. 1544.  
 reformationis, quod non semel declaravi in  
 dictis Conciliis, quandocunque vel minima  
 spes assulſit, ea posse coire: ac licet fruſtra  
 quidem adhuc iſtud egerim, tamen, quod  
 mearum est partium, nihil volui præterire:  
 Concilium enim opto tum Reipublicæ, tum  
 Germanicæ cauſſa potiſſimum, quæ variis est  
 lacerata diſſenſionibus: doleo autem, quod  
 eorum utaris consiliis, qui jam olim damnati  
 ſunt, etiam Ecclesiæ voce: nec eo doleo ta-  
 men, quod a tua amicitia ſemper eos velim eſ-  
 ſe remotos: verum quod hac tua indulgentia  
 fiant insolentiores & magis temerarii: cum  
 autem unica fit ratio curandi mali Concilium  
 videlicet, ideo ad illud eſt confugiendum:  
 Sterne igitur viam, ut cogi poſſit, & tanto-  
 pere deſideratam pacem populo Christi redde,  
 aut ſaltem arma cohibe interim, dum de re-  
 publica deliberabitur: nam diſceptatione po-  
 tiuſ utendum eſt, quam vi & armis: iis de-  
 poſitis omnia recte accident. Jam pridem  
 enim denunciatum eſt Concilium, etſi bellorum  
 cauſſa dilatum fit in commodius tempus: ut  
 idem ceteri quoque Principes faciant, dabo  
 operam, imprimis autem apud te, qui jam  
 bellum geris: Obtempera ergo meis monitiſ,  
 & cum ſis primogeniti filii loco, parentem  
 ſalutaria conſulentem amplectere, & majo-  
 rum tuorum veſtigiis inſiſte, nec a via regia  
 deſlede, nec in ſacris traſlāndis ullum jus

Sæcul XVI vel authoritatem tibi vendica, & disceptatio  
 A.C. 1544 nes omnes Religionis ab Imperii Conveni-  
 bus excluder, & ad meum rejice Tribunal:  
 de bonis etiam Ecclesiasticis nihil statue, sed  
 positis armis paci stude, aut si pax aliter cor-  
 re non possit, controversiam omnem & bellum  
 caussas Concili: disceptationi submitte: po-  
 stremo, quæ nimia quadam lenitidine reb-  
 libus illis atque Romanæ Sedis adversarii  
 concessisti, ea rescinde, & omnino tolle:  
 nam alioqui futurum, ut, nisi muneri meo  
 deesse velim, maximo quidem Ecclesiæ cum  
 detimento severius agere cogar, quam vel  
 consuetudo mea, vel natura, vel etiam vo-  
 luntas fert, ut autem officium meum neg-  
 liisse videri possem, non committam; nam  
 oculis semper obversatur illud divinæ severi-  
 tatis in Heli Sacerdotem exemplum: adhuc  
 quidem clementia Patris utor, verum si ni-  
 hil jam proficio, alia mihi ratio ineunda:  
 considera ergo, quid te deceat, & utrum tuo  
 tum honori, tum rebus magis conducat, an  
 ut in recuperanda Ecclesiæ tranquillitate se-  
 neuti mæ manum præbeas adjutricem, an  
 ut illis favetas potius, qui nihil aliud, quam  
 Ecclesiæ dilacerationem querunt.

## §. XXXIII.

*Responsum Cœsaris ad Papam.*

Pallav. hist.  
 Trid. lib. 5.  
 c. 7. n. 1.

Deferebantur hæ Pontificis literæ ad  
 Cœsarein per Davidem Oedatium  
 Brixensem, qui Papæ erat a Cubicu-  
 lis